

ՀԱՇՎԵՏՎՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՇԱՐՈՒՄՅԱՆ ՀԱՄԱՅՆՔԻ ՂԵԿԱՎԱՐԻ 2019 ԹՎԱԿԱՆԻ ԸՆԹԱՑՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱՔԵՐՅԱԼ

Ձեկուցող՝ համայնքի ղեկավար Գ.Գ. Նավասարդյան

2020 թվականի փետրվարի 6-ին, ժամը՝ 16:00-ին Արմավիրի մարզի Շահումյան համայնքում տեղի ունեցավ ժողով՝ մասնակցությամբ Արմավիրի մարզպետարանի աշխատակազմի առողջապահության և սոցիալական ապահովության վարչության գլխավոր մասնագետ Վարդան Ալեքսանյանի, Արմավիրի մարզի Շահումյան համայնքի ավագանու անդամներ՝ Լ.Վարդանյանի, Գ.Հատությունյանի, Ս.Ալոյանի, Կ.Եղիազարյանի, Վ.Համբարձումյանի, Զ.Սադոյանի և համայնքի բնակիչների:

Հարգելի՛ ավագանու անդամներ համայնքի բնակիչներ և հյուրեր, ձեզ են ներկայացնում 2019 թվականի ընթացքում իմ կողմից կատարած աշխատանքների վերաբերյալ տարեկան հաշվետվությունը:

Ինչպես գիտեք, համայնքի բյուջեի միջոցով իրականացվում է համայնքի կենսագործունեությունն ապահովող ֆինանսատնտեսական քաղաքականությունը, ուստի ինձ համար կարևոր է ձեր կարծիքը բյուջեի գործընթացի մասին:

Շահումյանի համայնքապետարանի աշխատակազմը բաղկացած է 12 աշխատողներից, որից 5-ը՝ հանրային ծառայողներ, 3-ը՝ հայացողական, 4-ը՝ տեխսպասարկման:

Համայնքապետարանի ենթակայության տակ գտնվում է «Մշակույթ և սպորտ» ՀՈԱԿ-ը, որտեղ գործում է գրադարանը, պարի, երգի, նկարչության և սպորտի խմբակները: Մշակույթի տան գործունեության առարկան և նպատակը արտադպրոցական մշակութային և սպորտային բնույթի գործունեության իրականացումն է: Երեխաների և դեռահասների ազատ ժամանցի կազմակերպման միջոցով նրանց հետաքրքրությունների զարգացման համար պայմանների ստեղծում, նրանց ստեղծագործական ունակությունների, գեղագիտական, ֆիզիկական զարգացման սպորտային, մշակութային գիտելիքների ձևավորման, որն իրականացվում է ի շահ անհատի, համայնքի, հասարակության և պետության: Խմբակները գործում են անվճար հիմունքներով:

Իմ հանձնարարությամբ Աշխատակազմի քարտուղարի Ժ/պ-ի կողմից իրականացվել է համայնքապետարանի աշխատակազմի անխափան աշխատանքը: Նախապատրաստվել է համայնքի ավագանու նիստերի օրակարգը, նիստում քննարկվող հարցերի նախագծերը:

Հրավիրվել և վարվել է ավագանու 17 նիստ, որից 6-ը հերթական, 11-ը արտահերթ:

Ղեկավարվելով «Տեղական ինքնակառավարման մասին», «Նորմատիվ իրավական ակտերի մասին» Հայաստանի Հանրապետության օրենքներով, այլ օրենքներով և իրավական ակտերով, հաշվետու ժամանակաշրջանում իրականացվել է պետության կողմից պատվիրակված և կամավոր լիազորություններ:

Աշխատակազմի քարտուղարի ժող-ն, պահպանելով «Տեղական ինքնակառավարման մասին» Հայաստանի Հանրապետության օրենքի պահանջները, ժամանակին ապահովել է համայնքի ղեկավարի և ավագանու որոշումների առաքումը մարզպետարան:

Կազմակերպել է քաղաքացիների ընդունելություն համայնքի ղեկավարի մոտ: Ընդունելությամբ եկած քաղաքացիներին տրվել է սպառիչ պատասխան:

Հայաստանի Հանրապետության Արմավիրի մարզպետարանից և այլ կազմակերպություններից ստացված գրություններին պատասխանվել է ժամանակին և ապահովվել է այդ գրություններում նշված պահանջների կատարումը:

Ղեկավարվելով «Տեղական ինքնակառավարման մասին» ՀՀ օրենքի պահանջներով՝ իմ կողմից իրականացվել է օրենքով սահմանված մի շարք պարտադիր լիազորություններ:

Հաշվետու ժամանակաշրջանում վերահսկողություն է իրականացվել հողի հարկի և գույքահարկի հարկատեսակների հավաքագրման աշխատանքների նկատմամբ:

2019 թվականի ընթացքում ըստ բնագավառների կատարվել են հետևյալ աշխատանքները՝

Ֆինանսների բնագավառում

Հողի հարկը 2019 թվականի պլանով նախատեսված 4500.0 հազ. դրամի դիմաց, հավաքագրվել է 3437.4 հազ. դրամ, կատարողականը 76.4%:

Հողի վարձակալության վճարը պլանով նախատեսված 33.0 հազ. դրամի դիմաց, հավաքագրվել է 9.2 հազ. դրամ, կատարողականը 27.9%:

Գույքահարկ փոխադրամիջոցների համար պլանով նախատեսված 2870.0 հազ. դրամի դիմաց, հավաքագրվել է 4533.2 հազ. դրամ, կատարողականը 158.0%:

Գույքահարկ շենք-շինությունների համար պլանով նախատեսված 200.0 հազ. դրամի դիմաց, հավաքագրվել է 81.9 հազ. դրամ, կատարողականը 41.0%:

Անփական եկամուտների հավաքագրման կատարողականը պլանի նկատմամբ կազմել է 90.9%:

• Քաղաքացիների, տնտեսվարող սուբյեկտների իրավունքների պաշտպանության բնագավառում՝

- իմ իրավասության շրջանակներում միջոցներ են ձեռնարկել պաշտպանելու համայնքի բնակիչների ու տնտեսվարող սուբյեկտների իրավունքները և օրինական շահերը,
- կազմեցրել են համայնքի բնակիչների հաշվառում,
- կատարել են շուրջ 67 քաղաքացիների ընդունելություն, օրենքով սահմանված կարգով քննության են առել քաղաքացիների առաջարկությունները, դիմումներն ու բողոքները և ձեռնարկել համապատասխան միջոցներ:

Քաղաքաշինության և կոմունալ տնտեսության բնագավառում՝

- համայնքում աղբահանությունը բնականոն կատարվում է ամիսը 3 անգամ՝ էջմիածնի քաղաքապետարանի բնակկոմունալ վարչության հետ կնքված պայմանագրի հիման վրա, համայնքի բյուջեից ամսվա կտրվածքով հատկացվում է 80000/ուսլում հազար/ դրամ,
 - ներհամայնքային ճանապարհների խճապատման և հարթեցման աշխատանքներն իրականացնելու համար համայնքի բյուջեից տրամադրվել է 1200,0 հազ.դրամ,
 - համայնքապետարանի շենքի մասնակի կապիտալ վերանորոգման համար՝ եվրոդոներ, պատուհաններ, շինանյութ ձեռք բերելու և շինարարական աշխատանքներ իրականացնելու նպատակով համայնքի ֆոնդային բյուջեից հատկացվել է՝ 999,9 հազ. դրամ,
 - Համայնքի միջպետական փողոցից մինչև Ի.Հարությունյան փողոցի ճանապարհի մասնակի ասֆալտապատման աշխատանքներն իրականացնելու համար համայնքի բյուջեից տրամադրվել է 1812,0 հազ. դրամ:
 - Համայնքի կոյուղագծի կառուցման համար նախագծանախահաշվային փաստաթղթեր ձեռք բերելու նպատակով համայնքի բյուջեից հատկացվել է 500,0 հազ. դրամ:
 - Սահմանված կարգով բնակչությանը իրազեկվել է ժրագրվող քաղաքաշինական փոփոխությունների, կառուցապատման հետ կապված օրենսդրական փոփոխությունների մասին:

Հողօգտագործման բնագավառում՝

- իրականացվել է վերահսկողություն համայնքի վարչական սահմաններում գտնվող հողերի նպատակային օգտագործման և հողօգտագործողների կողմից հողային օրենսդրության պահանջների պահպանման նկատմամբ,
- սահմանված կարգով իրականացվել է համայնքի վարչական սահմաններում գտնվող հողամասերի ընթացիկ հաշվառումը և կազմվել է համայնքի հողային հաշվեկշիռը,
- համայնքի հողօգտագործողներին հնարավորություն է ընձեռվել համայնքի գյուղտեխնիկայով իրականացնել վարուցանքի աշխատանքներ մատչելի գներով:

Առևտրի և ծառայությունների բնագավառում՝

- իմ լիազորությունների շրջանակներում հսկողություն է իրականացվել առևտրի, հանրային սննդի և կենցաղային ծառայությունների ոլորտում:

Կրթության, մշակույթի և երիտասարդության հետ տարվող աշխատանքների բնագավառում

Իմ կողմից համայնքում կազմակերպվել է Հայաստանի Հանրապետության տոների և հիշատակի օրերի հետ կապված միջոցառումներ

- «Չայոց բանակի» 27-րդ ամյակի տոնի կապակցությամբ համայնքի 22 զինծառայողների ընտանիքներին նվերներ և ծաղկեփնջեր ձեռք բերելու համար համայնքի բյուջեից հատկացվել է 516.0 հազ.դրամ գումար:
- «Տեառնընդառաջի» տոնի կապակցությամբ համայնքի 6 նորապսակ զույգերի նվերներ և ծաղկեփնջեր ձեռք բերելու համար համայնքի բյուջեից հատկացվել է 300.0 հազ.դրամ:
- Մայրության և գեղեցկության տոնի կապակցությամբ համայնքի վարչական բյուջեից հատկացվել է 850.0 հազ.դրամ:
- Համայնքի գորացրված 8 զինծառայողներին, տրամադրվել է դրամական օգնություն յուրաքանչյուրին 50.0 հազ.դրամ:
- Հայոց ցեղասպանության 104-րդ տարելիցի կապակցությամբ համայնքի վարչական բյուջեից հատկացվել է 150.0 հազ.դրամ:
- Մայիսյան տոների կապակցությամբ համայնքի ՅՄՊ վետերանին, Արցախյան պատերազմում զոհվածի, ԼՂԴ-ում ծառայության ընթացքում զոհվածի և վիրավորված զինծառայողների ընտանիքներին համայնքի բյուջեից տրամադրվել է 285.0 հազ.դրամ:
- Համայնքապետարանի համար ձեռք է բերվել 805.0 հազ. դրամի կահույք:
- Համայնքապետարանի համար ձեռք է բերվել համակարգչային սարքավորումներ և հեռախոս՝ 698.5 հազ. դրամի:
- Մշտական ուշադրության է արժանացել համայնքի միջնակարգ դպրոցը:

Դպրոցում իրականացվող միջոցառումները արժանանում են համայնքապետարանի աջակցությանը,

Շրջանավարտներին «Վերջին զանգ»-ի կապակցությամբ միջոցառում և ավարտական երեկո կազմակերպելու համար համայնքի բյուջեից տրամադրվել է 300.0 հազ. դրամ:

Ուսուցչական կոլեկտիվին, գիտելիքի օրվա կապակցությամբ կազմակերպվել է միջոցառում, այնուհետև ճաշկերույթ, որի համար համայնքի բյուջեից հատկացվել է 200.0 հազ.դրամ:

Գիտելիքի օրվա կապակցությամբ առաջին դասարան հաճախող երեխաներին ք.Երևան էքսկուրսիա կազմակերպելու նպատակով հատկացվել է 150.0 հազ.դրամ:

- ամանորյա տոնի կապակցությամբ միջոցառում կազմակերպելու և համայնքի 1- 10 տարեկան երեխաներին նվերներ ձեռք բերելու նպատակով համայնքի բյուջեից տրամադրվել է 580.0 հազ.դրամ:

Աշխատանքի և սոցիալական ծառայության բնագավառում

- հաշվետու ժամանակաշրջանում համայնքի բնակչությանը տրվել է ֆինանսական օգնություն՝ համայնքում հարազատին կորցրած յուրաքանչյուր ընտանիքի՝ 80.0 հազ. դրամ և սոցիալապես անապահով ընտանիքներին:


Գյուղատնտեսության բնագավառում՝

- կազմակերպվել է գյուղատնտեսական մշակաբույսերի հիվանդությունների, վնասատուների և մոլախոտերի դեմ պայքարի աշխատանքներ,
- իմ հանձնարարությամբ կազմակերպվել է անասնազլխաքանակի, ցանքատարածությունների, բերքատվության հաշվառում ըստ կուլտուրաների և ներկայացվել է հաշվետվություն վիճակագրական վարչություն:

Համայնքը ունի մի շարք կարևոր հիմնախդիրներ, որից առավել կարևոր է՝ Շահունյանի մանկապարտեզի շահագործումը:

Սիրելի ներկաներ, ձեզ ներկայացրեցի 2019 թվականի ընթացքում համայնքի բյուջեի միջոցով կատարած աշխատանքները, ինչպես նաև ներկայացրեցի համայնքի կարևոր հիմնախնդիրը, որը հնարավոր չէ իրականացնել բյուջեի միջոցներով:

Շահունյան համայնքի ղեկավար՝



Հ.Գ. Նալասարյան